



Ciorclán 0051/2023

**Chuig: Údaráis Bhainistíochta na mBunscoileanna,
na Meánscoileanna, na bPobalscoileanna agus na Scoileanna Cuimsitheacha
Aitheanta agus
Príomhfheidhmeannaigh na mBord Oideachais agus Oiliúna**

Saoire Neamhíochta chun Críocha Cúram Leighis do Chúntóirí Riachtanas Speisialta atá fostaithe i mBunscoileanna agus in lar- bhunscoileanna Aitheanta

De bhun na cumhachta atá in alt 24 den Acht Oideachais (arna leasú), ordaíonn an tAire Oideachais d'fhostóirí na rialacháin agus na nósanna imeachta atá luaite sa Chiorclán seo a chur chun feidhme do chúntóirí incháilithe riachtanas speisialta atá fostaithe i bpoist cheadaithe a chistítear le hairgead ón Oireachtas.

Ní mór do gach fostóir agus do gach cúntóir riachtanas speisialta cloí leis na téarmaí agus coinníollacha comhaontaithe atá luaite, le héifeacht láithreach.

Cinntigh go dtarraingeofar aird na mball uile den Bhord Bainistíochta/de Bhoird Oideachais agus Oiliúna agus aird na gcúntóirí riachtanas speisialta uile atá fostaithe agat, lena n-áirítear iad sin atá as láthair le cead, ar a bhfuil sa Chiorclán seo.

Ba cheart gach ceist a chur ar dtús ar an bhfostóir, ar féidir go mbeidh sé ag iarraidh dul i gcomhairle lena eagraíocht ionadaíoch ina leith. Féadfar aon cheisteanna eile a chur ar an Roinn ach ríomhphost a chur chuig na seoltaí seo a leanas:

- a) Ceisteanna maidir leis na téarmaí agus coinníollacha do Shaoire Neamhíochta chun Críocha Cúram Leighis:- teachersna@education.gov.ie
- b) Ceisteanna maidir le saoire a thairgeadh ar an gCóras Éileamh ar Líne:- onlineclaims@education.gov.ie
- c) Ceisteanna maidir le tuarastal:- [Foirm Fiosrúcháin Párolla \(education.gov.ie\)](http://education.gov.ie)

Is féidir an Ciorclán seo a rochtain ar shuíomh Gréasáin na Roinne ag www.gov.ie.

James Walsh
Príomhoifigeach
An Rannán Téarmaí agus Coinníollacha - Múinteoirí agus Cúntóirí Riachtanas Speisialta

27 Meán Fómhair 2023

Clár Ábhar

Sainmhínte agus Giorrúcháin.....	3
1. Saoire Neamhíoctha chun Críocha Cúram Leighis	4
2. Incháilitheacht chun Saoire Neamhíoctha chun Críocha Cúram Leighis.....	4
3. Teidlíocht chun Saoire Neamhíoctha chun Críocha Cúram Leighis	4
4. Socruithe le linn a bheith ar Shaoire Neamhíoctha chun Críocha Cúram Leighis.....	4
5. Nósanna Imeachta Iarratais.....	4
6. Saoire a Thairfeadh.....	5
7. Stádas le linn Saoire Neamhíoctha chun Críocha Cúram Leighis	6
8. Cúntóir Riachtanas Speisialta Ionaid	6
9. Fostaíocht le linn a bheith ar Shaoire Neamhíoctha chun Críocha Cúram.. Leighis.....	6
10. Teidlíochtaí Saoire do Cheapacháin Téarma Shocraithe/Chuspóra Shocraithe.....	6
11. Cosaint Sonraí.....	6
12. Comhlíonadh	6
Aguisín A - Iarratas ar Shaoire Neamhíoctha chun Críocha Cúram Leighis.....	7

Sainmhínte agus Giorrúcháin

Chun críocha an Chiorcláin seo, beidh an bhrí a shanntar dóibh anseo leis na téarmaí seo a leanas, ach amháin i gcás go léiríonn an comhthéacs a mhalairt:

Comhchónaitheoir – ciallaíonn sé seo duine amháin de bheirt aosach (cibé acu an den ghnéas céanna nó den ghnéas eile) a chónaíonn le chéile mar lánúin i ndlúthchaidreamh tiomanta agus nach bhfuil gaolmhar le chéile de réir na gcéimeanna gaoil toirmisceithe nó atá pósta le chéile nó ina bpáirtneírí sibhialta dá chéile.

Fostóir – i gcás gairmscoileanna/coláistí pobail agus pobalscoileanna náisiúnta, ciallaíonn sé seo Bord Oideachais agus Oiliúna agus, i gcás bunscoileanna (seachas pobalscoileanna náisiúnta), meánscoileanna deonacha, pobalscoileanna agus scoileanna cuimsitheacha, ciallaíonn sé seo Bord Bainistíochta/Bainisteoir. Féadfaidh an Bord Oideachais agus Oiliúna nó an Bord Bainistíochta/an Bainisteoir freagracht as nithe atá leagtha amach sa Chiorclán seo a tharmligean, de réir mar is cuí.

ETB – ciallaíonn sé seo Bord Oideachais agus Oiliúna a bunaíodh faoin Acht um Boird Oideachais agus Oiliúna, 2013, agus a rialaítear dá réir.

An Córas Éileamh ar Líne – ciallaíonn sé seo an córas a úsáidtear chun neamhláithreachtaí a thaifeadadh agus chun ionadaíocht a éileamh. Tá an córas i bhfeidhm i mbunscoileanna, i meánscoileanna deonacha, i bpobalscoileanna agus i scoileanna cuimsitheacha faoi láthair.

Pámháistir – ciallaíonn sé seo an eagraíocht atá i gceannas ar thuarastail a íoc. Is í an Roinn Oideachais an pámháistir i gcás cúntóirí riachtanas speisialta i mbunscoileanna (lena n-áirítear i bpobalscoileanna náisiúnta), i meánscoileanna deonacha, i bpobalscoileanna agus i scoileanna cuimsitheacha, agus is iad na Boird Oideachais agus Oiliúna an pámháistir i gcás cúntóirí riachtanas speisialta i mBord Oideachais agus Oiliúna/i ngairmscoileanna/i gcoláistí pobail.

Scoil Aitheanta – ciallaíonn sé seo scoil atá aitheanta ag an Aire Oideachais de réir alt 10 den Acht Oideachais, 1998.

CRS – ciallaíonn sé seo Cúntóir Riachtanas Speisialta.

An Roinn – ciallaíonn sé seo an [Roinn Oideachais](#).

1. Saoire Neamhíochta chun Críocha Cúram Leighis

1.1 Is le I.R. Uimh. 341 de 2023, an tOrdú fán Acht um Chothromaíocht Oibre agus Saoil agus Forálacha Ilghnéitheacha, 2023, arna leasú, a rialáiltear Saoire Neamhíochta chun Críocha Cúram Leighis.

1.2 Tá cúntóir riachtanas speisialta i dteideal iarratas a dhéanamh ar Shaoire Neamhíochta chun Críocha Cúram Leighis, ar cineál saoire speisialta reachtúla gan phá í, chun cúram a thabhairt dóibh sin atá liostaithe i mír 2.1 thíos. Is cineál nua teidlíochta saoire reachtúla í. Tá sí sa bhreis ar na teidlíochtaí reachtúla atá ann cheana i leith Saoire Cúramóra agus Saoire Force Majeure.

2. Incháilitheacht chun Saoire Neamhíochta chun Críocha Cúram Leighis

2.1 Féadfaidh cúntóir riachtanas speisialta iarratas a dhéanamh ar Shaoire Neamhíochta chun Críocha Cúram Leighis chun cúram pearsanta nó tacaíocht phearsanta a thabhairt do na daoine seo a leanas leis/léi ar chúis thromchúiseach leighis:

- Leanbh (lena n-áirítear uchtleanbh, leasleanbh agus leanbh a bhfuil aire á tabhairt dó/di ar bhonn 'in loco parentis')
- Céile nó páirtneir sibhialta
- Comhchónaitheoir
- Tuismitheoir nó seantuismitheoir
- Deartháir nó deirfiúr
- Comrádaí tí (Duine a chónaíonn san aon teach amháin leis an gcúntóir riachtanas speisialta, seachas iad sin atá liostaithe thuas)

3. Teidlíocht chun Saoire Neamhíochta chun Críocha Cúram Leighis

3.1 Cuimsíonn Saoire Neamhíochta chun Críocha Cúram Leighis lá scoile amháin nó níos mó, ach ní mór nach mó í ná cúig lá scoile san iomlán ar a mhéad i dtréimhse 12 mhí as a chéile.

4. Socruithe le linn a bheith ar Shaoire Neamhíochta chun Críocha Cúram Leighis

4.1 Maidir le cúntóir riachtanas speisialta atá as láthair ar aon chineál eile saoire reachtúla nó neamhreachtúla, ní fhéadfar Saoire Neamhíochta chun Críocha Cúram Leighis a dheonú dó/di in ionad na saoire sin.

4.2 Is ionann neamhláithreacht ar Shaoire Neamhíochta chun Críocha Cúram Leighis ar feadh cuid de lá scoile agus neamhláithreacht ar feadh lá scoile iomlán.

5. Nósanna Imeachta Iarratais

5.1 Ní mór ceadú an fhostóra a iarraidh i leith Saoire Neamhíochta chun Críocha Cúram Leighis.

5.2 Ceanglaítear ar chúntóir riachtanas speisialta a bhaineann leas as Saoire Neamhíochta chun Críocha Cúram Leighis an Fhoirm Iarratais in [Aguisín A](#) a ghabhann leis an gCiorclán seo a chomhlánú. Ba cheart an Fhoirm Iarratais a chomhlánú agus a chur isteach chuig an bhfostóir a luaithe is indéanta le réasún sula mbainfeadh leas as saoire den sórt sin nó tar éis leas a bhaint aisti. Ní fhéadfaidh fostóir glacadh le hiarratas ar Shaoire Neamhíochta chun Críocha Cúram Leighis ach amháin tráth na breoiteachta nó na díobhála.

- 5.3 I gcás go bhfuil cúntóir riachtanas speisialta fostaithe ag Bord Oideachais agus Oiliúna, is féidir go mbeidh saoráid ar líne ann chun iarratas a dhéanamh ar Shaoire Neamhíochta chun Críocha Cúram Leighis, in ionad an Fhoirm Iarratais in Aguisín A a chomhlánú.
- 5.4 Ba cheart don fhostóir é féin a shásamh go bhfuil údar iomlán ann leis an iarratas ar Shaoire Neamhíochta chun Críocha Cúram Leighis sna himthosca agus go bhféadfar í a dheonú. Féadfaidh fhostóir, dá rogha féin, doiciméid tacaíochta, amhail litir leighis, a iarraidh chun tacú leis an iarratas ón gcúntóir riachtanas speisialta. Ní gá cineál an reachta leighis a lua sa litir leighis. Ní gá ach ráiteas fíorais a dhéanamh inti á rá go bhfuil, nó go raibh, cúram suntasach nó tacaíocht shuntasach ag teastáil ón duine ar chúis thromchúiseach leighis.
- 5.5 Ní mór don fhostóir admháil i scríbhinn a thabhairt don chúntóir riachtanas speisialta lena ndeimhnítear go bhfuarthas an t-iarratas ar shaoire agus lena ndeimhnítear an cinneadh uaidh an iarraidh a cheadú/diúltú don iarraidh. I gcás go ndiúltófar d'iarratas, ní mór don fhostóir na forais leis an diúltú a chur ar áireamh sa chinneadh uaidh.

6. Saoire a Thaifeadadh

- 6.1 Tar éis don fhostóir Saoire Neamhíochta chun Críocha Cúram Leighis a cheadú, ní mór don fhostóir an neamhláithreacht a thaifeadadh ar bhealach tráthúil ar an gCóras Éileamh ar Líne/ar chóras an Bhoird Oideachais agus Oiliúna lena mbaineann.
- 6.2 I gcás scoileanna a úsáideann Córas Éileamh ar Líne na Roinne, taifeadtar Saoire Neamhíochta chun Críocha Cúram Leighis faoi 'Saoire Phearsanta' agus ansin faoin bhfochatagóir 'Saoire Neamhíochta chun Críocha Cúram Leighis'.
- 6.3 **Socruithe eatramhacha le haghaidh Saoire Neamhíochta chun Críocha Cúram Leighis a thaifeadadh ar an gCóras Éileamh ar Líne**
- a) Tá "Saoire Neamhíochta chun Críocha Cúram Leighis" fós á forbairt sa Roinn agus an ciorclán seo á fhoilsiú.
- b) Beidh feidhm ag na socruithe seo a leanas go dtí go mbeidh an chatagóir "Saoire Neamhíochta chun Críocha Cúram Leighis" ar fáil ar an gCóras Éileamh ar Líne:-
- i. Seol ríomhphost chuig teachersna@education.gov.ie
 - ii. Ba cheart an méid seo a leanas a lua i líne ábhair an ríomhphoist: "Saoire Neamhíochta chun Críocha Cúram Leighis: Socrú Eatramhach"
 - iii. I gcásanna den sórt sin, ní mór don fhostóir na mionsonraí seo a leanas a sholáthar don Roinn, ionas gur féidir le Baill Foirme na Roinne an tsaoire a thaifeadadh ar an gCóras Éileamh ar Líne
 - Ainm an chúntóra riachtanas speisialta
 - Uimhir PSP an chúntóra riachtanas speisialta
 - Uimh. rolla na scoile ina bhfuil an cúntóir riachtanas speisialta fostaithe faoi láthair
 - Dáta tosaithe agus dáta deiridh na neamhláithreachta.

7. Stádas le linn Saoire Neamhíochta chun Críocha Cúram Leighis

7.1 Meastar cúntóir riachtanas speisialta atá ar Shaoire Neamhíochta chun Críocha Cúram Leighis, chun gach críche, a bheith fostaithe ag an am sin, seachas chun críche luach saothair agus chun críche aoisliúntais. Is ináirithe go hiomlán atá Saoire Neamhíochta chun Críocha Cúram Leighis chun críocha sinsearachta agus dul chun cinn ar an scála tuarastail bhreisíoch.

8. Cúntóir Riachtanas Speisialta Ionaid

8.1 Féadfaidh an fostóir cúntóir riachtanas speisialta ionaid a cheapadh, ar duine é/í a n-íocfaidh an Pámháistir leis/léi ar feadh thréimhse na saoire. Ní mór don fhostóir é sin a thaifeadadh ar an gCóras Éileamh ar Líne/ar chóras an Bhoird Oideachais agus Oiliúna lena mbaineann.

9. Fostaíocht le linn a bheith ar Shaoire Neamhíochta chun Críocha Cúram Leighis

9.1 Ní fhéadfaidh cúntóir riachtanas speisialta atá ar Shaoire Neamhíochta chun Críocha Cúram Leighis gabháil d'aon chineál fostaíochta íochta eile.

10. Teidlíochtaí Saoire do Cheapacháin Téarma Shocraithe/Chuspóra Shocraithe

10.1 Aon chúntóir riachtanas speisialta atá ar chonradh fostaíochta téarma shocraithe/cuspóra shocraithe, beidh lánteidlíochtaí aige/aici i leith Saoire Neamhíochta chun Críocha Cúram Leighis le linn théarma an chonartha. I gcás go ndeonófar nó go dtógfar saoire den sórt sin, níor cheart aon difear a dhéanamh don cheapachán téarma shocraithe/cuspóra shocraithe ná do cheapachán den sórt sin a athnuachan.

11. Cosaint Sonraí

11.1 I dteannta na dtaifead pearsanra lena mbaineann, ní mór don fhostóir na doiciméid uile a bhaineann le neamhláithreacht an chúntóra riachtanas speisialta ar Shaoire Neamhíochta chun Críocha Cúram Leighis a choinneáil in áit shlán shábháilte agus ar aon dul le beartas cosanta sonraí an fhostóra agus leis na rialacháin chosanta sonraí. Féadfar na taifid sin a roghnú lena n-íniúchadh ag oifigigh ainmnithe de chuid na Roinne.

12. Comhlíonadh

12.1 Is faoi na nósanna imeachta araíonachta comhaontaithe a fhéadfar déileáil le haon mhainneachtain cloí leis na rialacháin agus na nósanna imeachta atá leagtha amach sa Chiorclán seo agus is féidir go scoirfear de thuarastal a íoc le cúntóir riachtanas speisialta nó go dtarraingeofar cumhdach ionaid siar do scoil dá bharr sin.

13. An tSeirbhís Chúnamh d'Fhostaithe

13.1. Tá an tSeirbhís Chúnamh d'Fhostaithe ar fáil mar acmhainn thacúil do bhaill foirne scoile agus soláthraíonn sí comhairle ar raon saincheistanna éagsúla, lena n-áirítear folláine, cúrsaí dlí, cúrsaí airgeadais, méala, coinbhleacht agus idirghabháil. Is é 1800 411 057 uimhir na líne cabhrach Saorghlao rúnda tiomnaithe agus bíonn sí ar fáil 24 huaire sa lá, 365 lá sa bhliain. Chun tuilleadh faisnéise a fháil, féach [An tSeirbhís Chúnamh d'Fhostaithe i mbunscoileanna agus in iar-bhunscoileanna aitheanta](#).

Aguisín A - Iarratas ar Shaoire Neamhíochta chun Críocha Cúram Leighis

Ba cheart an Fhoirm Iarratais a chomhlánú go hiomlán agus a chur isteach chuig an bhfostóir a luaithe is indéanta le réasún tar éis na neamhláithreachta.

CUID 1A – IARRATAS AN CHÚNTÓRA RIACHTANAS SPEISIALTA

Ainm an Chúntóra Riachtanas Speisialta: _____

Uimhir Theagmhála: _____

Seoladh Baile: _____

Seoladh Ríomhphoist: _____

UPSP: _____

Ainm na Scoile: _____ Uimhir Rolla: _____

CUID 1B – MIONSONRAÍ FAOIN tSAOIRE

Dáta tosaithe: _____ Dáta críochnaithe: _____ Fad ama (Laethanta): _____

An líon laethanta de Shaoire Neamhíochta chun Críocha Cúram Leighis a tógadh sa 12 mhí seo a chuaigh thart: _____

Déanaim iarratas leis seo ar Shaoire Neamhíochta chun Críocha Cúram Leighis ar an gcúis seo a leanas:-

Dearbhú

Is mian liom iarratas a dhéanamh ar Shaoire Neamhíochta chun Críocha Cúram Leighis de réir Chiorclán 0051/2023. Deimhním gur fíor agus cruinn atá an fhaisnéis atá tugtha san iarratas.

Níor sháraigh mé mo theidliocht i leith Saoire Neamhíochta chun Críocha Cúram Leighis atá mionsonraithe i gCiorclán 0051/2023.

Síniú an Chúntóra Riachtanas Speisialta: _____ Dáta: _____

Ráiteas Príobháideachta maidir le Cosaint Sonraí

Is é an príomhchuspóir ar ina leith a cheanglaíonn an Roinn ort na sonraí pearsanta sin a thabhairt do d'fhostóir ná chun cabhrú le d'iarratas ar Shaoire Neamhíochta chun Críocha Cúram Leighis a phróiseáil. Coinneoidh d'fhostóir d'fhoirm iarratais agus do dhoiciméid tionlacain i gcomhréir lena bheartas Cosanta Sonraí. Beidh tuilleadh faisnéise maidir leis an mbeartas sin ar fáil ach í a iarraidh ó d'fhostóir.

Is féidir an Fógra Príobháideachta ina dtugtar tuilleadh faisnéise maidir leis an bhFoirm iarratais seo a fháil ag gov.ie. Tá mionsonraí iomlána faoi bheartas Cosanta Sonraí na Roinne ar fáil ag gov.ie, áit a leagtar amach an dóigh a n-úsáidfimid do shonraí pearsanta agus a dtugtar faisnéis maidir leis na cearta atá agat mar ábhar sonraí. Tá mionsonraí faoin mbeartas sin ar fáil i gcóip chrua freisin ón seoladh seo ach iad a iarraidh: An Rannán Téarmaí agus Coinníollacha - Múinteoirí agus Cúntóirí Riachtanas Speisialta, An Roinn Oideachais, Corr na Madadh, Baile Átha Luain, Co. na hIarmhí, N37 X659. Is féidir iad a iarraidh freisin ach ríomhphost a sheoladh chuig teachersna@education.gov.ie.

CUID 2 – AN CINNEADH ÓN bhFOSTÓIR

Deimhním gur cheadaigh mé an tSaoire Neamhíochta chun Críocha Cúram Leighis/gur dhiúltaigh mé don tSaoire Neamhíochta chun Críocha Cúram Leighis de réir Chiorclán 0051/2023. Coinníodh na doiciméid seo a leanas ar comhad chun críocha iniúchóireachta:

1) Iarratas ar Shaoire Neamhíochta chun Críocha Cúram Leighis faoi Chiorclán 0051/2023

2) Cóip den Fhógra Cinnidh arna eisiúint chuig an gcúntóir riachtanas speisialta

Taifeadadh Saoire Neamhíochta cheadaithe chun Críocha Cúram Leighis ar an gCóras Éileamh ar Líne/ar chóras an Bhoird Oideachais agus Oiliúna lena mbaineann.

Síniú: _____ Dáta: _____
(Fostóir)

NÍOR cheart an Fhoirm iarratais/Doiciméid Tacaíochta a chur isteach chuig an Roinn Oideachais. Ba cheart iad a choinneáil sa scoil/sa Bhord Oideachais agus Oiliúna mar aon le haon doiciméid ábhartha eile chun críocha taifid a choinneáil agus chun críocha iniúchóireachta i dteannta na dtaifead pearsanra lena mbaineann.